

23-09-2025

आकाशवाणी

- केन्द्रीय सरकार नै इस माली बरे च प्रधानमंत्री उज्जवला योजना तैहत 25 लक्ख बाददु LPG सिलेन्डरें दे कनेक्शन देने दा फैसला कीता।
- भारत ते मोरक्को नै रक्षा -उद्योग साथै-सहयोग गी बधाने आस्तै रबात च इक रक्षा सहयोग समझौते पर दस्तख्त कीते।
- राष्ट्रपति द्रौपदी मुरमू होर अज्ज 71में “राष्ट्रीय फिल्म पुरस्कार” प्रदान करगंन।
- मुख्य भरै च अज्ज “राष्ट्रीय आयुर्वेद ध्याड़ा-2025” मनाया जा रदा ऐ। इस बारी दा विशे सार ऐ- “आयुर्वेद जन-जन आस्तै- आयुर्वेद धरती आस्तै”
- फ्रांस दे राष्ट्रपति Emmanuel Macron होरें न्यू-यार्क च 80मीं संयुक्त राष्ट्र महासभा च State of Palestine गी औपचारिक तौर पर मानता दिती।
- शतरंज च इसलै दी महिला FIDE विश्व कप चैम्पियन ग्रैंडमास्टर दिव्या देशमुख गी औंदे FIDE विश्व कप-2025 च हिस्सा लैने लेई Wild Card Entry दिती ऐ।

<><><><><><>

PM Ujjwala

सरकार नै कल पैहले नराते ते इस माली बरे दौरान “प्रधानमंत्री उज्जवला योजना” तैहत 25 लक्ख बाददु LPG Connection देने दा फैसला कीता ऐ। महिला लाभार्थियें गी शुभकामनां दिंदे होई प्रधानमंत्री नरेन्द्र मोदी होरें आखेया जे सरकार दी एह गेंह महिला सशक्तिकरण दे संकल्प गी होर तगड़ा करोग। पेट्रोलियम ते कुदरती गैस मंत्री हरदीप सिंह पुरी होरें दस्सेया जे सरकार हर इक नमें कनेक्शन पर 2 हजार थमां मते रपे खर्च करोग। उनें आखेया साढ़ियें भैहनें गी 25 लक्ख होर उज्जवला कनेक्शन थोगंन।

उनें आखेया इस चाली “उज्जवला” स्कीम दा इस्तेमाल करने आलें परिवारजनें दी जिन्दी गिनतरी 10 करोड़ 58 लख होई जाग। पुरी होरें आखेया जे प्रधानमंत्री नरेन्द्र मोदी होरें सब्भनें महिलायें लेई रूट्टी पकाने गितें साफ-सुथरी LPG गैस यकीनी कीती ऐ।

<><><><><><>

India -Morocco MoU

मोरक्को दे रबात च रक्षामंत्री राजनाथ सिंह ते मोरक्को दे रक्षामंत्री Abdeltif Loudiyi हुंदे बश्कार दपक्खी बैठक दौरान रक्षा सहयोग पर इक समझौता होआ। दवै पक्खें आतंकवाद-रोधी- समुन्द्री सुरक्षा- साईबर रक्षा- शांति- सैन्य चिकित्सा- सिखलाई ते उद्योग च हिस्सेदारी देने आस्तै राजी होए न। इस समझौता-पत्र नै इस पेठा सहयोग गी बढ़ावा देने आस्तै इक व्यापक खाका हासिल होग। इस फैसले कन्ने दौनें पक्खें बश्कार रिश्ते गी होर मजबूत करने दी वचनबद्धता दा पता लगदा ऐ।

<><><><><><>

National Film Awards

राष्ट्रपति द्रौपदी मुर्मू होर अज्ज नमीं दिल्ली च 71मां “राष्ट्रीय फिल्म पुरस्कार” प्रदान करगंन। बेहतर फीचर- फिल्म दा पुरस्कार हिंदी फिल्म “12मीं फेल” गी ते बेहतरीन हिंदी फिल्म दा पुरस्कार “Kathal” गी दिता जाग। मन्ने-परमन्न दे अभिनेता- निदेशक ते निर्माता मोहन लाल होरें गी बरे 2023 लेई “दादा साहेब फाल्के पुरस्कार” कन्ने सम्मानित कीता जाग। सर्वश्रेष्ठ अभिनेता दा पुरस्कार शाहरु खान गी “जवान” फिल्म आस्तै ते विक्रांत मैसी गी “12मीं फेल” आस्तै दिता जाग। अभिनेत्री रानी मुखर्जी गी “श्रीमती चटर्जी बनाम नाँवें” फिल्म आस्तै सर्वश्रेष्ठ अभिनेत्री दा पुरस्कार हासिल होग। सौम्यजीत घोष हुंदे आस्सेया निर्देशित “फ्लावरिंग मैन” गी बेहतरीन गैर फीचर फिल्म दा पुरस्कार थोग।

हिंदी फिल्म “राँकी और रानी की प्रेम कहानी” गी सर्वश्रेष्ठ लोकप्रिय फिल्म दा पुरुस्कार थोग। शिल्पा राव ते PVNS Rohit गी बेहतरीन पार्श्व गायक दे पुरुस्कार कन्नै नवाजेया जाग।

<><><><><><>

MEA India-France

भारत-फ्रांस दे नागरिक परमाणु ऊर्जा बारे बशेष कार्जबल दी दुई मीटिंग कल नमी दिल्ली च लगगी। मीटिंग दी अध्यक्षता सांझे तौर पर विदेश सचिव विक्रम मिसरी ते फ्रांस दिएं यूरोप ते विदेशी मामलें आले मंत्रालय दिएं सैक्रेटरी जनरल Anne-Marie Descotes होरें कीती। विदेश मंत्रालय नै अपने इक ब्यान च आखेया जे मीटिंग दौरान दौनें पक्खें पैहले इत सरबंधे च होई दिरें मीटिंगें मगरा होई दी प्रगति दा जायजा लैता। उनें आखेया जे दवै लीडर होरनें मामले समेत दबक्खिया नागरिक परमाणु सहयोग पर नेइमें तौर पर राबता रक्खने लेई बी तैयार होई गेन। उनें लौहके ते आधुनिक Modular Reactorएं जनेहियें तकनीकें पर बी इक-दुए दा साथ देने दा धेइया कीता।

<><><><><><>

Jaishankar-Rubio

विदेश मंत्री डाक्टर एस. जयशंकर होरें कल अमरीकी विदेश सचिव मार्को रुबियो हुंदे कन्नै न्यूयार्क-अमरीका च 80में संयुक्त राष्ट्र महासभा दे सत्र दे बाहरें गल्लबात कीती- इस बरे एह दौनें लीडरें मझाटै लग्गने आहली त्री गल्लबात दा दौर हा। दवै लीडर जंदी पैहली जुलाई गी वाशिंगटन च Quad विदेश मंत्रियें दी मीटिंग च बी मिले हे। इक सोशल मीडिया पोस्ट च डाक्टर जयशंकर होरें आखेया जे मीटिंग दौरान दबक्खिया ते इसलै चिंता आहले अंतराष्ट्रीय मुद्दें पर व्यापक गल्लकत्थ कीती गई। उनें आखेया ओ दवै पैहले आले खेत्रें दे बाददे-विकास लेई सतत ते लगातर इक-दुए कन्नै गल्लबात करने दी महता बारै समझदे न।

<><><><><><>

PM-Rosh Hashanah

प्रधानमंत्री नरेन्द्र मोदी होंरें यहूदी समुदाय ते इजराईल दे लोकें गी यहूदी नमें बरे “रोश-हशानाह” दे मौके पर शुभकामनां दितियां न। सोशल मीडिया दी इक पोस्ट च मोदी होंरें मेद जाहिर कीती जे नमां बरा सारें दे जीवन च शांति-मेद ते नरोई सेहत लेइयें आवें।

<><><><><><>

10<sup>th</sup> National Ayurveda Day

10मां राष्ट्रीय आयुर्वेद दिवस अज्ज अखिल भारतीय आयुर्वेद संस्थान AIIM गोवा च मनाया गया। इस समारोह दा उदघाटन केन्द्रीय आयुष राज्यमंत्री स्वतंत्र प्रभार प्रताप राव जाधव होर करगंन। इस मौके पर केन्द्रीय ऊर्जा मंत्रालय ते अक्षय ऊर्जा मंत्रालय दे राज्यमंत्री श्रीपद येसो नाइक होर बी मौजूद रौहगंन। इस बरे आयुर्वेद दिवस दा विशे सार ऐ- “आयुर्वेद जन-जन आस्तै- आयुर्वेद धरती आस्तै”। इस मौके पर आयुर्वेद दे क्षेत्र च टकोहदा योगदान देने आहलें गी राष्ट्रीय धन्वंतरि आयुर्वेद पुरस्कार -2025 प्रदान कीते जागंन।

<><><><><><>

Fance-Palestine State

फ्रांस दे राष्ट्रपति इमैनुएल मैक्रों होंरें औपचारिक तौर पर फ्रांस आस्सेया फिलिस्तीन गी राज्य दी मान्यता देने दी घोषणा कीती ऐ। न्यूयार्क च संयुक्त राष्ट्र महासभा दे 80में सत्र थवां पैहले ऐसा करने आहला फ्रांस नमां पच्छमी मुख्य बनी गया ऐ। इक दिन पैहले कनाडा-ब्रिटेन ते औस्ट्रेलिया नै बी फिलिस्तीन गी औपचारिक मान्यता देने दी घोषणा कीती ही।

<><><><><><>

Chess

शतरंज दे इसले दियें FIDE महिला कप चैम्पियन Grandmaster दिव्या देशमुख होंरें गी ओने आले FIDE विश्व कप 2025 च हिस्सा लैने आस्तै Wild Card Entry थोई गई ऐ।

दिव्या हुंदी Wild Card Entry FIDE विश्व कप दे 11में संस्करण गी होर दिलचस्प करी देग-  
कीजे मुख्यै थमां रिकार्ड 21 खडारी एदे च हिस्सा लै रदे न। भारती टीम दी अगवाई इसलै दे  
विश्व चैम्पियन डी. गुकेश करा रदे न। औंदी 31 अक्टूबर थमां एह मुकाबले गोआ च  
करोआए जागंन।

<><><><><><>

HM -Start Up

केन्द्रीय गृहमंत्री अमित शाह होर अज्ज गुजरात च गांधीनगर दे महात्मा मंदर च स्टार्ट-अप  
सम्मेलन -2025 दा उदघाटन करगंन। एह 2-रोजा कार्यक्रम गुजरात सरकार दे शिक्षा मैहकमे  
आस्सेया आयोजित कीता जा रदा ऐ। उदघाटन समारोह च मुख्मंत्री भूपेन्द्र पटेल ते राज्य  
दे उच्च शिक्षा ते तकनीकी शिक्षा मंत्री Rushikesh Patel होर बी मौजूद रौहगंन। इस सम्मेलन  
च इक हजार थमां मते स्टार्ट-अप- 5 हजार नमियां काहड़ा कड्डने आहले 100 उद्योग  
माहिर- 50 Plus Venture Funds ते अगुवाह नीति-निर्माता किट्ठे होगंन। इस कार्यक्रम च 20  
राज्ये दे 170 थवां मते स्टार्ट-अप शामिल होगंन-जिन्दे च स्टार्ट-अप इंडिया-Electronics ते  
सूचना प्रोद्योगिकी मंत्रालय ते रक्षा क्षेत्र च बेहतर कारकरदगी सरबंधी नवाचार स्टार्ट-अप  
शामल न।

<><><><><><>